



REPÚBLIKA DEMOKRÁTICA TIMOR-LESTE
MINISTÉRIU FINANSAS
GABINETE MINISTRA

Diploma Ministerial N° 5/2009,
iha loronfulan Abril

Estatutu Organiku ba Diresaun ba Efikasias no Asisténsia Esterna

Estatutu Organiku Ministériu Finansas, konstante Dekretu-Lei n°13/2009, iha loron 25 fulan Fevereiro, kria servisu sentral iha administrasaun direta husi Estadu Ministériu Finansas, integra, entre sira seluk, Diresaun ba Efikasias no Asisténsia Esternu, aprova ba ne'e, tuir ne'ebé determina iha artigu 24 husi Dekretu-Lei duni, ninia estrutura organiku-funsional.

Nune'e, Governu, liu husi Ministra Finansas, haruka, iha artigu 24 Dekretu Lei no.13/2009, loron 25 fulan Feveiru, atu públika diploma organiku tuir mai ne'e:

KAPITULO I
DISPOZISAUN JERÁL

Artigu 1°
Objetu

Diploma organiku ida ne'e estabese estrutura organiku-funsional ba Diresaun ba Efikasias no Asisténsia Esternu husi Ministériu Finansas.

Artigu 2°
Natureza

Diresaun ba Efikasias no Asisténsia Esternu, habadak hanaran DEAE, hanesan ba efektu legal hotu ho Diresaun Nasionál, integra ba administrasaun direta estadu nian, iha ámbitu Ministériu Finansas.

Artigu 3°
Misaun ho Atribuisaun

1. DEAE sei responsável atu garante utilizasaun efikaz ba Asisténsia Esternu ne'ebé parseiru ba desenvolvimentu fo, atu nune'e bele asegura bebeik kordenasaun no armonizasaun, tuir prioridade desenvolvimentu ne'ebé Governu determina.
2. DEAE kontinua ho atribuisaun hirak tuir mai ne'e
 - a) Halo jestaun fundu husi Asisténsia Esternu, ne'ebé fo ba Timor-leste;
 - b) Halibur hamutuk informasaun finanseiru no kontabilistiku kona-ba fonte ofisial hotu husi Asisténsia Esternu, ne'ebé inklui tulun ke la'os iha orsamentu no tekniku, tuir planeamentu ida-idak, rezultadu efektivu no indikador ne'ebé defini husi Deklarasaun Paris;

- c) Tulun Ministériu hotu iha prosesu hola desizaun kona-ba uza di'ak no efikaz Asisténsia Esternu ne'e;
- d) Fo sai informasaun ke presiza kona-ba Asisténsia Esternu atu tulun halo planeamentu orsamentu nian;
- e) Tulun Ministériu no parseirus dezvoltimentu atu alkansa objetivu ne'ebé estabelese kona-ba matéria kordenasaun Asisténsia Esternu;
- f) Prepara perfil parseiru dezvoltimentu nian no fahe ho regular ba Ministériu sira, parseiru dezvoltimentu no interveniente sira;
- g) Mantein baze dados ida ke di'ak no lo'os ba projetu husi parseiru dezvoltimentu, atu nune'e promove hadi'ak kualidade no impaktu;
- h) Hadia'k kordenasaun Asisténsia Esternu ne'ebé liu husi fo apoiu regular sekretariadu iha Reuniaun Parseiru Dezvoltimentu Timor-Leste nian;
- i) Fo sai informasaun atualizadu kona-ba atividade Gabinete Nasionál Autorizasaun (GNA) nian ne'ebé simu finansiametu husi CE no PCMF, ne'ebé tenke distribui ho regularidade ba ministeriu oin-oin no paseiru dezvoltimentu;
- j) Iha parseiria ho Delegasaun Komisaun Europeia iha Timor-Leste, halo jestaun ba Fundu Europeu ba Dezvoltimentu;
- k) Sá deit mak hetan atribuisaun husi lei.

Artigu 4º

Superintendencia/ Jestaun

1. Jestaun DEAE nian sei asegura husi Diretór Nasionál ne'ebé Ministra Finanzas maka nomeia, tuir lei;
2. Diretór Nasionál hatan ba Ministra Finanzas;
3. Bainhira Diretór Nasionál sai ba liur ka iha impedimentu ruma ba halo nia kna'ar, entaun Diretór Jeral seluk ka Diretor Nasionál maka sei substitui, tuir designasaun husi Ministra Finanzas ne'ebé simu proposta ida husi Diretór Nasionál DEAE.

KAPITULO II

ESTRUTURA ORGANIKA-FUNSIONAL

SEKSAUN I

ESTRUTURA ORGANIKA

Artigu 5º

Estrutura Jerál

1. Halo parte DEAE nia estrutura:
 - a) Departamentu Koordenasaun ba Asisténsia Esterna;
 - b) Departamentu ba Akompanamentu Asisténsia Esterna no nia Rezultadu;
 - c) Departamentu ba Monitorizasaun Prinsipiu husi Deklarasaun Paris.
2. Iha kumprimentu nia misaun no atribuisaun sira, DEAE sei mantein kolaborasaun klean ho Sekretariadu ba Prioridade Nasionál.

SEKSAUN II

FUNSIONAMENTU DEPARTAMENTUS NIAN

Artigu 6º

Departamentu Kordenasaun ba Asisténsia Esterna

1. Departamentu Kordenasaun ba Asisténsia Esterna, habadak hanaran DCAE, nu'udar organismu DEAE ne'ebé responsavel ba artikulasaun loron-loron entre DEAE ho relevante organismu Estadu no parseiru dezvoltimentu.
2. DCAE nia kna'ar mak hanesan tuir mai:
 - a) Liu husi kordenasaun ho Sekretariadu ba Prioridade Nasionál, organiza reuniaun fulan-fulan, fulan tolu-tolu no tinan-tinan ho parseiru dezvoltimetu Timor-Leste nian;
 - b) Apoia Diresaun Nasionál ba Orsamentu iha preparasaun orsamentu fonte kombinadu;
 - c) Apoia organismu relevante Estadu nian ho jestaun Asisténsia esterna ba programas setorial, tuir fahe informasaun ba parseiru dezvoltimentu;
 - d) Prepara relatóriu no halo analize regular kona-ba implementasaun kna'ar departamentu nian;
 - e) Explora possibilidade atu introduz iha Timor-Leste Sistema ida ba Jestaun Asisténsia Esterna, no halo nia jestaun bainhira estabelese;
 - f) Hala'o kna'ar seluk ne'ebé lei sei atribui ka simu husi Diretór Nasionál.

Artigu 7º

Departamentu ba Akompañamentu Asisténsia Esterna no nia Resultadu

1. Departamentu ba Akompañamentu Asisténsia Esterna no nia Resultadu, habadak hanaran DAAER, nu'udar organismu DEAE ne'ebé responsavel ba akompañamentu Asisténsia esterna no nia resultadu, ne'ebé liu husi halibur hamutuk no analiza regulamente dados kona-ba rendimentu, sira nia efeitú no resultadu Asisténsia esterna ba dezvoltimentu iha Timor-Leste.
2. DAAER nia kna'ar hanesan tuir mai:
 - a) Fo sai opiniaun kona ba politika, progresu sira no resultadu sira husi Asisténsia Esterna ba dezvoltimentu;
 - b) Manten rejistu atualizadu no detalladu kona-ba perfil parseiru dezvoltimentu nian;
 - c) Dezenvolve no implementa metodu monitorizasaun no avaliaun ba projetu spesifiku;
 - d) Halibur hamutuk informasaun kona-ba pratikas di'ak iha implementasaun projetu sno fahe ba parseiru dezvoltimentu no organismu relevante iha Estadu nia laran;
 - e) Kordena preparasaun teknika ba programasaun rekursu husi Fundu Europeu ba Dezvoltimentu, liu-liu Dokumentu Estratejia Pais nian no Programa Indikativu Nasionál, no mos avaliaun implementasaun ba Fundu nee.
 - f) Fo iha tempu adekúadu apoiu no Asesoria ba Ordenador Nasionál, kordena jestaun kontratu ba kompromisu individual hotu husi Fundu Europeu ba Dezvoltimentu ho Ministériu relevantes no Delegasaun Komisaun Europeia, no mos lori naran Autorizador Nasionál nian ba asume funsaun autoridade nian kona-ba kontratu.
 - g) Prepara relatóriu no halo analize regular kona-ba implementasaun kna'ar departamentu nian;
 - h) Hala'o kna'ar seluk ne'ebé lei sei atribui ka simu husi Diretór Nasionál.

Artigu 8º

Departamentu ba Monitorizasaun Prinsipiu husi Deklarasaun Paris

1. Departamentu ba Monitorizasaun Prinsipius husi Deklarasaun Paris, habadak hanaran DMPDP, nu'udar organismu DEAE ne'ebé sei responsavel ba lideransa no monitorizasaun implementasaun iha Timor-Leste ba atividades ne'ebé defini husi Agenda Pos-Accra.
2. DMPDP nia kna'ar hanesan tuir mai:
 - a) Halibur hamutuk informasaun kona-ba assisténsia esterna ba dezvoltimentu no fahe ba organismu relevante iha Estadu no parseiru dezvoltimentu;
 - b) Ho referensia espesial ba Prinsipiu husi Deklarasaun Paris dezvoltive kuadru analitiku ida kona-ba efikasias assisténsia esterna;
 - c) Kordena produsaun orsamentu fonte kombinada ho Diresaun Nasionál ba Orsamentu;
 - d) Prepara relatóriu no halo analize regular kona-ba implementasaun kna'ar departamentu nian;
 - e) Halao kna'ar seluk ne'ebé lei sei atribui ka simu husi Diretór Nasionál.

Artigu 9º

Xefia no Estrutura Organizasional Departamentu nian

1. Departamentu sei lidera husi Xefe Departamentu ne'ebé sei nomeia tuir lei.
2. Departamentu bele, sempre ke prezisa, estrutura aan iha seksaun oin-oin tuir nia área kompeténsia.
3. Definisasaun kompeténsia no perfil husi xefe no funsióriu sira seluk iha seksaun ida, distribuisaun interna kona-ba servisu, nune'e mos ba planifikasaun atividade no respetiva orsamentasaun, halo parte Xefe Departamentu nian, no la prezisa aprovasaun husi Diretór Nasionál.

SEKSAUN III

FUNSIONAMENTU SEKRETARIADU BA PRIORIDADE NASIONAL

Artigu 10º

Sekretariadu ba Prioridade Nasionál

1. Sekretariadu ba Prioridade Nasionál, ne'ebé sei bolu SPN, hanesan organismu ida ke hahu iha Ministra Finansas nia jestaun diretu, no iha hanesan misaun atu halo jestaun ba konsepsaun no implementasaun anual ba Prioridade Nasionál ne'ebé Governu identifka ona.
2. SPN nia kna'ar maka hanesan tuir mai:
 - a) Apoia formulasaun no rekomendasasaun kona-ba politika, halo jestaun no monitoriza implementasaun prioridade nasional, no rezolve kestaun no obstakulu ke mosu iha implementasaun nia laran, ho objetivu atu aplika Prinsipiu husi Deklarasaun Paris;
 - b) Partisipa, ho kordenasaun ho departamentu relevante iha DEAE, iha preparasaun reuniaun regular ho parseiru dezvoltimentu;
 - c) Prepara relatóriu no halo analize regular kona-ba kestaun ne'ebé relasiona ho Prioridade Nasionál tinan-tinan nian;
 - d) Halao kna'ar seluk ne'ebé lei sei atribui husi Ministra Finansas.

3. SPN sei kompstu husi kordenador ida no funsionáriu ida ne'ebé sei hetan apoiu husi asesor internacional sira.

KAPITULU III
ATRIBUISAUN NO KOMPETENSIA SIRA BA KARGU DIRESAUN NO XEFIA

Artigo 11º
Diretór Nasionál DEAE nian

1. Diretór Nasionál DEAE hanesan entidade Ministériu Finansas ne'ebé lidera teknikamente departamentu iha Diresaun ne'e, supervisona rigor tekninu ba ezekusaun politika, planu, programa, orsamentu, norma no prosedimentu ne'ebé aprova hanesan kna'ar DEAE nian.
2. Diretór Nasionál nia kna'ar hanesan tuir mai:
 - a) Lidera servisu DEAE nian, kordena no dirigi nia atividade tuir lei no tuir orientasaun husi Ministra Finansas;
 - b) Garante monitorizasaun no avaliasaun politika, planu, programa, orsamentu no prosedimentu ne'ebé aprova hanesan kna'ar DEAE nian;
 - c) Aprova norma administrativa ho, ka, intrusaun ne'ebé nesesáriu ba DEAE nia funsionamentu;
 - d) Rekomenda, tuir lei, nomeasaun funsionariu ba kargu xefia iha estrutura DEAE nian;
 - e) Ezerse autoridade administrativa no disciplinar ba funsionáriu DEAE, ne'ebé inklui halo avaliasaun desempeñu, foti prosesu disciplinar no aplika penalidade tuir lei;
 - f) Partisipa iha reuniaun Konsellu Konsultivu Jestaun Finansas nian;
 - g) Prepara pareser no fo apoiu tekniku tuir nia área kompeténsia ba Governu em Jerál no, em partikular ba Ministra Finansas;
 - h) Prepara relatóriu regular kona-ba atividade DEAE nian.
 - i) Halao kna'ar seluk ne'ebé lei sei atribui ka simu husi Ministra Finansas.

Artigu 12º
Xefe Departamentu nian

1. Xefe Departamentu sira hanesan entidade DEAE nian ne'ebé supervisona teknikamente departamentu sira iha nia kompeténsia, atu garante nune'e rigor tekniku iha implementasaun kna'ar sira ne'ebé atribui ba departamentu ida-ida nee.
2. Xefe Departamentu sira nia kna'ar hanesan tuir mai:
 - a) Supervisona servisu sira husi departamentu relevante, kordena no diriji sira nia atividade tuir lei no tuir orientasaun husi Diretór Nasionál;
 - b) Garante monitorizasaun no avaliasaun ba polítika, planu, programa, orsamentu no prosedimentu sira ne'ebé aprova ba nia departamentu;
 - c) Hato'o ba autoridade competente sira norma administrativa no, ka, intrusaun nesesáriu ba implementasaun atribuisaun no kompeténsia departamentu nia nian;
 - d) Ezerse autoridade administrativu no disciplinar ba pesoál hotu iha departamentu nia laran, ne'ebé inklui hala'o avaliasaun desempeñu, impoem prosesu disciplinar sira no aplika sanasaun sira tuir lei;
 - e) Hahu kna'ar seluk ke atribui husi lei ka delega husi Diretór Nasionál.
3. Xefe Departamentu sira responde ba Diretór Nasionál.
4. Xefe Departamentu sira hanesan superior imediatu ba Xefe Seksaun sira ne'ebé eziste iha relevante departamentu.

KAPITULU IV
DISPOSISAUN FINAL NO TRANSITORIU SIRA

Artigu 13^o

Peso'al

1. Pesoá nesesáriu ba hala'o kargu diresaun no xefia konstante husi diploma nomeia tuir lei.
2. Iha kazu interruptsaun, tanba falta funsionáriu kompetente ba hala'o kargu diresaun no xefia, Ministra Finansas, ho kualidade entidade tutelar ne'ebé superintende superiormente ba Ministeriu Finansas, bele delega kompeténsia hirak ne'ebé komprovalu méritu, konsta ho dokumentu eskritu no refere nia alkanse no durasaun;
3. Depois de tama iha vigór diploma ida ne'e tenki ba kedas ho definisaun kuadru pesoál husi respetivu departamentu no unidade, hanesan mos ba definisaun husi respetivu konteúdu funsional, no hala'o prosesu rekrutamentu, konfirmasaun ka transferénsia funsionáriu ba prienximentu vaga.

Artigu 14^o

Tama iha vigor

Diploma ida ne'e tama iha vigór iha loron publikasaun.

Aprova husi Ministra Finansas no haruka públika iha Jormal Repúblika iha, Dili, Timor-Leste, iha loron, fulan Abril tinan 2009.

Emilia Pires
Ministra Finansas